

4. oktober 2022

UKA2022/109\_141

**Uunga siunnersuut: Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaata allanngortinneqarnera pillugu Inatsisartut inatsisaat nr. Xx, xx.xxx 2022-meersoq. (Naliliineq, erseqqissaaneq aningaasartallu killiginik allanngineq)**

(Aningaasaqarnermut Naligiissitaanermullu Naalakkersuisoq)

Naalakkersuisumut naleqqakkullu siunnersuutaannut qujalluta Siumumi imaattumik oqaatigissavarput.

Siunnersuut aallaqqaataaniilli soraarnerussutisiaqalernissamut qulakkeerinnittussaapput inunnut akissarsiatigut isumaqatigiissutitigut allatigullu eqqanaaarinnissaminnut periarfissaqarsimangitsutut inissisimasunut.

Inatsip atuutilernerani eqqumaffigineqarsimangitsut qujanartumik qulaajaaffigineqarnerini paasisat aallaavigalugit

Maani inersuarmit inatsisiliortutut tupaallannangitsuunngilaq paasisat takutimmassuk ingerlatsiviit piareersarluarsimangitsut immi inatsisiliaq ajorsimangikkaluartoq naalakkersuisoqarfinni akisussaaffigineqalersoq eqqortumik suliarineqarsimangitsaq.

Maani inersuarmit sungiunnaveersaagassaqarpugut, ajornartorsiutit iluarsiniartillugit inatsisiliornikkut sooq iluarsineqannginnerisa nassugiarsinnaalernerisa akuersiinnartunngortissanngimatigut.

Taamatut oqariuarluta aamma tusaatissatut tiguarpugut aaqqiiniarnerit ingerlanneqarmata.

Illuatungaani inatsisartunut aamma saqqummiunneqarpoq inatsit pineqartoq atorunnaarsinnissaanut suliniuteqartoqaqqusilluni siunnersuuteqartoqartoq, tamanna ullumikkut Siumumiit piffissaasorinngilarput. Soraarnerussutisiaqalernissamut inatsisit atuffii ungasinnerusoq isigalugu aaqqissugassaanerisa pingaartipparpugut, ullumikkut ileqqaakkagut ukiorpassuit qaangiuppata iluaqutissarilerniassagatsigik pisariaqarlunilu pinngitsoorsinnaanngilarput. Siumumiit piffissaasorinngilarput inatsit taama nutaatigisoq pitsaanerujartorlunilu inissikkiartortoq maanngangaaq unitsinniarneqassasoq, sunniutaami pitsaanerujartortut amerliartorfianiippugut suli.

Taamatut naatsumik oqaaseqarluta Siumumiit siunnersuut 109 aappassaaniinnginnerani ataatsimiisitaliami suliarineqarnissaanut ingerlatipparpugut, Siunnersuut 141 Itigartillugu.

Hans Peter Poulsen, Siumut